



Skýrsla um samráð

Efni samráðs

Drög að reglugerð um breytingu á reglugerð nr. 1088/2018 um Jöfnunarsjóð sveitarfélaga.

Samráð hófst

06. október 2021

Samráði lauk

20. október 2021

Fjöldi umsagna

6

Umsagnaraðilar

Reykjavíkurborg.

Sveitarfélagið Árborg.

Samband íslenskra sveitarfélaga.

Akureyrarbær.

Sveitarfélagið Vogar.

Samtök atvinnulífsins.

Samantekt um umsagnir og viðbrögð

Drög að breytingum á reglugerð nr. 1088/2018 um Jöfnunarsjóð sveitarfélaga voru lögð fram til umsagnar í samráðsgátt stjórnvalda á Ísland.is, dagana 6. október 2021 til 20. október 2021. Sex umsagnir bárust og voru þær frá Reykjavíkurborg, sveitarfélaginu Árborg, Sambandi íslenskra sveitarfélaga, Akureyrarbæ, sveitarfélaginu Vogum og Samtökum atvinnulífsins.

Umsagnirnar eru að meirihluta jákvæðar og stuðningi lýst við fyrirhugaðar breytingar. Í umsögn Reykjavíkurborgar og Samtaka Atvinnulífsins er breytingin hins vegar gagnrýnd. Ber þar helst að nefna að nefndir umsagnaraðilar telja að núverandi úthlutun tekjujöfnunarframlaga geti verið flókin, ófyrirsjáanleg og með því skapað sveitarfélögum ákveðin vandræði. Þá telja umræddir umsagnaraðilar að ekki sé fullnægjandi lagastoð fyrir breytingunum.

Umsagnaraðilum er þakkað fyrir umsagnir sínar.

Að loknu samráði

Að mati ráðuneytisins felur breytingartillagan í sér skýrari úthlutunarreglu vegna tekjujöfnunarframlaga til sveitarfélaga og þá telur ráðuneytið tillöguna rúmast innan þeirra marka sem ráðherra er heimilt að mæla fyrir um í reglugerð. Í ljósi framangreinds og þess að enginn ágreiningur er um markmið og efni breytingartillögunnar, hefur reglugerðin nú verði birt og er nr. 1216/2021, um breytingu á reglugerð nr. 1088/2018 um Jöfnunarsjóð sveitarfélaga.